

Апостол 07.04.2025

Б: Мир всем.

Я: И духови твоему.

Б: Премудрость.

Я: Прокимен глас 4:

Благовестите день от дне / спасение Бога нашего.

Хор: Благовестите день от дне...

Я: Воспойте Господеву песнь нову, воспойте
Господеву вся земля.

Хор: Благовестите день от дне...

Я: Благовестите день от дне.

Хор: / спасение Бога нашего.

Б: Премудрость.

Я: к Евреем послание святого Апостола Павла
чтение.

Б: Вонмем

Братие, святяй и освящаемии, от Единого вси: еяже ради вины не стыдится братию нарицати их, глаголя: Возвещу имя Твое братии Моей, посреде церкви воспою Тя. И паки: Аз буду надеяся Нань. И паки: се Аз и дети, яже Ми дал есть Бог. Понеже убо дети приобщишася плоти и крови, и Той

приискренне приобщиася техже, да смертию упразднит имущаго державу смерти, сиречь, диавола: и избавит сих, елицы страхом смерти чрез все житие повинни беша работе. Не от ангел убо когда {воистинну} приемлет, но от семени Авраамова приемлет: отнюдуже должен бе по всему подобитися братии, да милостив будет и верен первосвященник в тех, яже к Богу, во еже очистити грехи людския. В немже бо пострада Сам искушен быв, может и искушаемым помощи.

*(Евр.2:11-18, зач. 306)

Б: Мир ти.

Я: И духови твоему.

Б: Премудрость.

Я: Аллилу́иа. Аллилу́иа. Аллилу́иа, глас 1.

Хор: Аллилуиа 3 раза

Я: Сидет, яко дождь на руно, / и, яко капля, каплющая на землю.

Хор: Аллилуиа 3 раза

Я: Будет имя Его благословенно во веки, прежде солнца пребывает имя Его.

Хор: Аллилуиа 3 раза